



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 91. Quid notandum sit circa possessionem annalem.

**urn:nbn:de:hbz:466:1-42600**

679 §. III. Cùm anni varient in proventibus, valor taxari debet ex annis pluribus: Et sufficere attendi quinque præcedentes, dicunt *Mandos.* & *Mascard,* sed attendi debere 10. præcedentes docent *Garc.* & *Castrop.* Vide *Leitr.* q. 660.

680 Q. 91. Quid notandum sit circa possessionem annalem. R. Seqq.

§. I. De hac ita habet Regula Cancell. Dominus noster, ut improbi lites exquirentium mores reprimantur, statuit & ordinavit, quod quicumque beneficium Ecclesiasticum tunc per annum immediate præcedentem pacificè possessum, & quod certo modo vacare prætendit, deinceps impetraverit, nonen gradum & nobilitatem possessoris ejusdem, & quo annis illud possederit & specificam & determinatam causam (ex qua constare clare poterit, quod nullum ipsi possessori in dicto beneficio jus competat) in hujusmodi impetratione exprimere, & intra 6. menses ipsum possessorem ad judicium evocare facere, causamque ex tunc desuper infra annum usque ad sententiam diffinitivam inclusivè prosequi debet & teneatur, alioquin impetratio prædicta & quacunque inde secuta nullius existant firmitatis; & idem impetrans de damnis & interesse possessum ipsum propterea contingentibus ei satisfacere, & si possessorem ipsum frivolè ac indebitè molestasse repertus fuerit, 50. florenos auri persolvere Camera Apostolica sit adstrictus, nec alias quam præmissa vacationis modus, etiam per litteras, si neuter aut subrogationis vel alias sebi quoad hoc, ut hujusmodi beneficium ea vice consequi vel obtinere valeat, quomodolibet suffragetur, illudque nullatenus in area litigiosum censeatur.

681 §. II. Expressio multorum, quæ Regula recentet, non est necessaria, si beneficium impetraretur

apud

apud Ordinarium, nam hic censetur nosse suos, hinc dicit Chok. ad hanc Reg. n. 55. eam non habere locum extra Curiam Romanam; habet tamen locum apud Legatum Apostolicum, apud quem etiam ista exprimi debent, Az. Rebuff. Gonz. Leur. p. 2. q. 830.

§. III. Possessor annalis potest in quacumque instantia, etiam post sententiam & executionem, adducere exceptionem hujus Regulæ pro defensione sui & restituzione possessionis, dummodo probet se per annum possedit, & possedit pacificè usque ad diem impetrationis alterius, Gratian. Gonz. Lott. l. 2. q. 52. n. 16. & à n. 23. Leur. q. 831. Quod tener, etiamsi impetrans ignoraverit possessionem fuisse annalem, Chok. Leur. q. 841.

§. IV. Hæc Regula tuetur quemicumque posseforem etiam aliás inhabilem, de jure privatum, intrusum, carentem bonâ fide & omni titulo &c., nisi per confessionem vel judicaturam notoria fuisset inhabilis vel nullitas tituli, Lott. n. 38. Luca de benef. d. 47. n. 16. Leur. q. 832. Item tuetur possessorem ne cum percipientem fructus, Com. Mandos. Chok. Leur. q. 842. Putat quidem Soto non tueri privandos sed tantum actu privatos beneficio, sed oppositum videtur verum; possessor tamen probare debet, præter possessionem, etiam aliunde competere jus in beneficio. Putat etiam Sarn. apud Leur. q. 853. Regulam non servire personæ incapaci detentionis, quia nempe ipsi prohibitum erat detinere beneficium, sed si reipsa detinuit cum colorato titulo, censetur possedit, uti dicetur n. 685. in fine.

§. V. Hic annus inchoatur à die captæ possessionis & finitur eadem die inceptâ, quia cum agatur de favore possidentis, annus computatur civiliter ad dies, & non de momento ad momentum, Lott. n. 21. Leur. q. 833.

Y. 5

§. VI.

**685** §. VI. Si resignans possederit per sex menses & resignatarius etiam per sex, hic non juvatur per dictam Regulam, quia licet possessio antecessoris separatur cum possessione successoris, uti dictum est l. 3. p. 2.n. 527., tamen haec Regula semper loquitur de uno possessore, *Mandos. Az. Lugo. Paris. Castro. Leur.* q. 835. Neque resignatarius vel successor potest tueri possessione annali resignantis aut antecessoris, quia Regula respicit solum possessorem actuali, ideoque ex stylo Curiae censetur personalis, *Mandos. Paris.* aliisque cum *Leur.* q. 837. Imo quamvis resignans beneficium per undecim menses possederit, & resignatarius ultra mensem distulerit capere possessionem, resignans non poterit se tueri hac Regulâ, quia non possedit per 12. menses, *Mandos. Paris.* l. 3. q. 5. n. 64., qui tamen n. 58. cum aliis multis excipit casum, quo resignans perrexisse retinere beneficium, & resignatarius necdum captâ possessione post mensem moreretur, quia quamvis per resignationem amittatur possessio civilis, videtur tamen retineri posse naturalis ac sufficiens ad effectum hujus regulæ, ad quem sufficie etiam aminantum possesso. Vide *Leur.* q. 839. & q. 840. n. 1. Item dicenda à n. 956.

**686** §. VII. Gaudent effectu hujus Regulæ Officia & Dignitates Ecclesiasticæ, Præstimonia data in titulum perpetuum; item secundum *Gom.* contra *Mandos.*, pensiones super fructibus beneficii, beneficia commendata, Vicariæ perpetuæ, Capellaniæ data in titulum; item beneficia juris patronatis, uti tenent *Chok.* contra *Tond.* Econtrâ non gaudent beneficia manualia, uti nec consistorialia, de quibus Papa disponit coram Cardinalibus. Vide *Leur.* q. 843.

**687** §. VIII. Valet haec Regula contra impenetrantem

cum

cum Rescripto, motu proprio, Mandos. Chok. Leur.  
q. 845., quem vide q. 846. de poenit., & q. 847. de  
derogationibus hujus Regulæ.

§. IX. Ut impetrans aliquid possit contra posses- 688  
sorem, debet à tempore datæ impetrationis infra 6.  
menses esse executa citatio possessoris; & à tempore  
executæ citationis, etiamsi primo mense facta esset,  
currit annus pro urgenda definitiva circa petitorum;  
& ad ejusmodi citationem arctoriam requiritur,  
ut delegatus Apostolicus citationi faciat inseri co-  
piam litterarum suæ delegationis, Rosa de Exec.  
lit. Apost. p. 2. c. 6. n. 6. His factis satiis est, si impe-  
trans faciat, quod in se est, ut intra annum pronun-  
tietur sententia, Gonz. Lott. Chok. Et de impedi-  
mento debere protestari putant Gl. & Rebuff., sed  
negant Ricc. & Tond. Vide Leur. q. 844.

Q. 92. Quid notandum sit circa possessionem 689  
triennalem beneficij vel fructuum. R.

§. I. De hac ita habet Regula 3., olim 35. Can-  
cell., Statuit & ordinavit idem D. N., quod si qui-  
cumque beneficia ecclesiastica, qualiacumque sint,  
absque simoniaco ingressu, apostolice vel ordinariæ  
collatione aut electione & electionis hujus confir-  
matione seu præsentatione & institutione illorum,  
ad quos beneficiorum hujusmodi collatio & provi-  
sio, electio & præsentatio seu quævis alia dispo-  
sitione pertinet, per triennium pacificè possederit,  
(dummodo in beneficiis hujusmodi, si dispositione  
Apostolice ex aliqua reservatione generali in corpo-  
re juris clausa reservata fuerint, se non intruserint)  
super iisdem beneficiis taliter possessis nequeant mo-  
lestari, nec non impetraciones quaslibet de benefi-  
ciis ipsis sic possessis factas, irritas & inanes censeri  
debere decrevit, antiquas lites super illis motas pe-  
nitus extinguendo.

§. II.